



Na osnovu članova 35. i 69. Statuta Općine Stari Grad Sarajevo- prečišćeni tekst („Službene novine Kantona Sarajevo“, broj 20/13) i Pravilnika o dodjeli sredstava za Start up biznis („Službene novine Kantona Sarajevo“, broj: 15/17, 15/19 i 02/20), Općinski načelnik donosi:

ODLUKU

o odabiru najboljih poslovnih planova koji će biti finansirani/sufinansirani iz Budžeta Općine Stari Grad Sarajevo namijenjenih razvoju preduzetništva i zapošljavanju mladih

Član 1.

Ovom Odlukom odobravaju se najbolji biznis planovi namijenjeni razvoju preduzetništva i zapošljavanju mladih, a koji su dostavljeni na osnovu Javnog poziva.

Član 2.

Na osnovu Rješenja o imenovanju Komisije za provođenje postupka dodjele bespovratnih sredstava za Start up biznis, koja je imenovana Rješenjem Načelnika broj: 01-04-4-239/20 od 29. januara, 2020. godine, Komisija je konstatovala da su četiri biznis plana zadovoljila kriterije Javnog poziva.

Radi se o sljedećim biznis planovima:

Redni broj	Ime i prezime	Naziv projekta	Broj bodova
1	Haris Mutevelić	Umjetnička galerija koja nudi usluge restauracije i uramljivanje	210
2	Đenita Ćosić	Salon za masažu i kozmetičke usluge	153,3
3	Amar Lačević	Zaštitarska agencija	150
4	Aida Hasanović	Coffee shop (prodaja tucane kafe, bosanske kafe, espresso mješavina čaja)	138,3

Član 3.

Međusobna prava i obaveze između Općine Stari Grad Sarajevo i kandidata čiji su poslovni planovi bili uspješni bit će definisane u Ugovoru o finansiranju i sufinansiranju najboljih poslovnih planova.

Član 4.

Kandidati će, nakon potpisivanja Ugovora, poslovne planove realizovati u skladu sa dostavljenim biznis planovima i postavljenim vremenskim okvirom prema Članu 11. Pravilnika o dodjeli sredstava za Start up.

Član 5.

Posebnim Rješenjem, općinski Načelnik će imenovati radno tijelo za praćenje implementacije odobrenih biznis planova koje će finansirati/sufinansirati Općina Stari Grad Sarajevo.

Član 6.

Općina Stari Grad Sarajevo će obustaviti finansiranje odobrenih poslovnih planova, te zatražiti povrat novca ukoliko se utvrdi da kandidati nisu implementirali planirane aktivnosti.

Član 7.

Ova Odluka stupa na snagu danom donošenja. Odluka će biti objavljena na zvaničnoj web stranici Općine Stari Grad Sarajevo.

OPĆINSKI NAČELNIK

mr. Ibrahim Hadžibajrić

Broj:

0104-1/526/20

Datum:

20. 02. 2020